



ZALDIBIAKO UDALA
(Gipuzkoa)

UDAKO AISIALDI EKINTZAK HAUR ETA GAZTETXOENTZAT

KOKAPENA:

Koronabirusa dela eta, martxoaren 14an ezarri zen Alarma Egoeran egon gara orain arte. Itxialdian pasa genuen garaiaren ondoren, bagoaz “normaltasun berria” izango omen den horretara gerturatzen.

Herriko haur eta gaztetxoengan ere izan du eragina egoera honek, noski. Ikusezinak izan ziren hasieran eta ondoren ere, beren behar emozional eta sozialak lehentasunen zerrendan azken mailetan ageri dira.

Martxoaren hasieran Zaldibia Herri Hezitzailea izateko erabakiari bide eman zitzaion eta lanketa horretan hasi berri gara. Erronka ederra egokitu zaigu hastearekin batera. Itxialdian lehenik eta deseskaladan ondoren, saiatu gara haur eta gaztetxoek beharrei erantzuteko ahalegina egiten.

Betaurreko horiek jantzita ekin genion maiatzean Udako Jardueri buruzko hausnarketari, Guraso Elkarteko kideekin eta parte hartu duten beste hainbat familiekin batera. Egunez egun aldatzen diren irizpideak, ziurgabetasuna, jardueren benetako helburuak eta horretarako dauden mugak... Ohiko Udako Jarduerak ez antolatzea erabaki genuen, haurren beharrei eta udalekuen berezko helburuei ez baitzien erantzungo osasun irizpideen arabera egin beharko genituzkeen jarduera horiek. Aldi berean, inoiz baino garrantzitsuagozat jo genuen haur eta gaztetxoei begirako aisialdia kanpaina bat antolatzea, azken hilabeteetako zauriak ixten eta errealitate berrira egokitzen hasteko.

Hala, familien artean iritzi bilketa egin eta aurrerapausoak ematen jarraitu dugu esku artean dugun eskaintza ondu dugun arte. Uda honetan, uztailaren 1etik 24ra herriko haur eta gaztetxoentzat antolatutako kultur eta kirol ekintza puntualak burutuko dira, adinen arabera egokitutako ekitaldiekin, zeinetan haurrek (txikienak arduradun baten laguntzarekin) bertaratu eta parte hartu ahal izango duten.

ESKAITZA:

Herri Hezitzailearen filosofia geure eginez, Zaldibiako Udalak eta Ausa Gaztelu Guraso Elkartea nahiz herriko hainbat eragilek elkarlanean, denok herriko haur eta gaztetxoei aisialdi aukerak eskaintzea helburu izanik, honako egitaraua prestatu dugu.

Mota anitzeko ekintzak osatzen saiatu gara, baina aldi berean ezaugarri komunak badituzte ekintza guztiek: aire zabalean egingo dira, naturan, euskaraz eta osasun irizpideak betez.

www.zaldibia.eus Udalaren web orrian dago eskaintza osoa jasotzen duen dokumentua. Izen-ematerako garaian familiek adin bakoitzari dagokion ekintzen egutegia jasoko dute.



ZALDIBIAKO UDALA
(Gipuzkoa)

IZEN EMATEA:

Ekintza puntualak izanagatik, antolakuntzarako ezinbestekoa denez, izena eman beharko da Kultur Etxean 943 16 03 38 – kulturetxea@zaldibia.eus ekainaren 24a, asteazkena, baino lehen.

Kultur etxeko ordutegia: astelehenetik ostegunera 10:00etatik 17:00etara eta ostiraletan 8:30etik 15:30era.

Behin izena emanda adin horretarako programatutako ekintza guztietarako emango da izena. Inork ekintzaren batera joan ezin badu, ahal dela aurrez abisatu egingo du.

Izena ematerakoan honako datuak eskatuko dira:

- Haur edo gaztetxoaren izen-abizenak eta jaiotza-data
- Guraso edo tutoretako baten izen-abizenak eta mugikor zenbakia (Whatsapp) edo e-maila aisialdi ekintzei buruzko informazioa, jarraibideak eta dokumentuak jasotzeko.
- Jasoko diren dokumentuen artean sinatu eta entregatu egin beharko da Kultur Etxean ekainaren 24a baino lehen “Ekintzetara etortzeko jarraibideak eta higiene eta prebentzio neurriak eta baimen informatua” biltzen dituen dokumentua.



ZALDIBIAKO UDALA
(Gipuzkoa)

HAUR ETA GAZTETXOEI ZUZENDUTAKO AISIALDI EKINTZAK 2020
COVID-19a dela eta irakurri, sinatu eta entregatu beharreko dokumentua

EKINTZETARA ETORTZEKO JARRAIBIDEAK eta HIGIENE ETA PREBENTZIO NEURRIAK:

- Programatutako ekintza baino 15 minutu lehenago bertaratu beharko dira haur eta gaztetxoak ekintza bakoitzerako zehaztutako lekura.
- Lehen Hezkuntzako 2. mailara arteko haurrak beren ardura duen norbaitekin etorriko dira eta hala egongo dira ekintzan zehar ere. Lehen Hezkuntzako 3. Mailakoak eta hortik gorakoak bakarrik etorri ahal izango dira, betiere jarraibide hauek jarraituz.
- 6 urtetik gorakoak musukoa jantzita etorriko dira, ekintzen sarrera eta irteerak egiteko. Ondoren, ekintzan zehar, distantzia bermatuta dagoenean kenduko da musukoa. Udalak banatuko die musuko bana izena eman duten haur-gaztetxo guztiei.
- Ekintzara etorri aurretik etxean tenperatura hartzea eskatzen da, eta 37^otik gora izanez gero ez da ekintzara etorri behar. Ezta Covid-19aren sintomatologia (eztula, sukarra, arnasa hartzeko zailtasuna, etab.) badu, edota gaitzak kutsatutako norbaitekin kontaktuan egon delako segimenduan badago ere.
- Covid-19a dela eta adinagatik, haurdun egoteagatik edo bestelako afekzio medikoak izateagatik kalteberak diren pertsonekin biziz gero, parte hartu ahal izango da ekintzetan, nahiz eta gogoan izan behar den horrek dakarren arriskua norbere erantzukizun pean geratzen dela.
- Ekintzen sarrera-irteeran eta ekintzan zehar bideratzaile eta ekintzaren gidariek emandako jarraibideei kasu egingo zaie uneoro.
- Gaixotasun arrazoiak edo bestelakoak medio ekintzaren batera joan behar ez duenak ahal dela aurrez abisua emango du Kultur Etxean.
- Ekintza hasita egonik ere, jarraibideak ez direla betetzen ikusiz gero antolatzaileek jakinarazpena egingo dute. Hala behar izango balitz ekitaldia momentu batez eten egingo litzateke egoera zuzendu arte. Eta beste erremediorik ez balego ekitaldia bertan behera utziko da.

Sinadura



ZALDIBIAKO UDALA
(Gipuzkoa)

BAIMEN INFORMATUA

Nik, _____-ren guraso/legezko tutorea naizen honek, _____ izen-abizenak eta _____NA zenbakia ditudanak, nire erantzukizun pean adierazten dut eskatzen dudala nire seme edota alabak Zaldibiako Udalak antolatutako ekintzetan parte hartzea. Horretarako, irakurri dut Zaldibiako Udalak emandako informazioa, eta parte hartzeko baldintzak onartzen ditut, nahitaezko higiene- eta prebentzio-neurri pertsonalekin dudana konpromisoa adierazten dut, ekintzetarako jarraibideak errespetatzeko konpromisoa adierazten dut eta Covid-19arekin kutsatzeko aukeraren erantzukizun osoa nire gain hartzen dut.

Era berean, baimena ematen dut 2020ko aisialdiko ekintza hauetan ateratzen diren argazkietan edo egin daitezkeen grabazioak, nire seme-alabak agertzeko, eta argazki horiek, edo grabazio horiek, "zaldibia.eus" eta "zaldibia.org" webguneetan edo bestelako udal argitalpenetan publikatzeko.

DATUEN BABESERAKO LEGE ESKAKIZUNA

Izen emate honetan jasotako erabiltzaileen datu pertsonalak, kudeaketa edo informazioa helarazteko bakarrik erabiliko ditu Zaldibiako Udalak.

Zaldibiko Udalak; argitalpenak edo beste era bateko gutunak eta e-mailak edo mezu elektronikoak bidaltzeko erakunde, zerbitzu eta jarduera publikoei buruzko informazioa helarazteko erabili ditzake datu hauek. Informazio guztia: zaldibia.eus/eu/orria/datuen-babesa

Sinadura